

*BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
Broj:070-0-Su-25-000166
Sarajevo, 21.02.2025.godine*

*GENERALNI SEKRETARIJAT
VLADE FEDERACIJE BIH*

Predmet: Objava Internog oglasa

U prilogu Vam dostavljamo tekst Internog oglasa za popunu radnog mjesta namještenika viši referent- daktilograf, 3 izvršioca.

Potrebno je da isti objavite na oglasnoj ploči i prosljedite svim budžetskim korisnicima elektronskim putem dana ponedjeljak 24.02.2025.godine.

Prilog:1 (jedan)

*Predsjednica
Vrhovnog suda Federacije BiH*

Vesna Stanković Čosović

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE

Broj: 070-0-Su-25-000166
Sarajevo, 21.02.2025.godine

Na osnovu člana 21. stav 2. i člana 73. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05), predsjednica Vrhovnog suda Federacije Bosne i Hercegovine, objavljuje

INTERNI OGLAS
za popunu radnih mjesta namještenika u
Vrhovnom sudu Federacije Bosne i Hercegovine

1. Viši referent – daktilograf - 3 (tri) izvršioca na neodređeno vrijeme

Opis poslova: *postupa u Sistemu za elektronsko upravljanje sudskim predmetima (CMS) u skladu sa Pravilnikom o CMS-u i Pravilnikom o unutrašnjem sudskom poslovanju i ovim pravilnikom; obavlja sve poslove na prepisu i spravljanju materijala i otklanjanju eventualnih grešaka, obavlja poslove po diktatu i na sjednicama sudskih vijeća; vrši audio snimanje u sudnici i prepis tih audio snimaka; dostavlja spise na potpise predsjedniku i članovima vijeća; postupa po naredbama u spisima i CMS, sređuje, popisuje spise i pričvršćuje priloge za omot spisa metalnim mehanizmom; obavlja i ostale daktilografske poslove i zadatke po nalogu šefa pisarnice, sekretara suda, sudije i predsjednika suda.*

Uvjeti: *Pored općih uvjeta propisanih članom 24. Zakona o namještenicima u organima državne službe u Federaciji Bosne i Hercegovine (državljanstvo Bosne i Hercegovine, punoljetstvo, opća zdravstvena sposobnost za obavljanje poslova radnog mjesta, vrsta i stepen školske sprema potrebne za obavljanje poslova radnog mjesta, da u posljednje dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini i da nije obuhvaćen odredbom člana IX. 1. Ustava Bosne i Hercegovine), kandidat treba ispunjavati i slijedeće posebne uvjete i to:*

- 1. SSS-srednja stručna sprema (gimnazija, upravna, ekonomska ili druga srednja škola) ili položen ispit za daktilografa I-a ili I-b klase,*
- 2. najmanje 10 (deset) mjeseci radnog staža*
- 3. poznavanje rada na računaru*
- 4. obavezno testiranje po diktatu i prijepisu.*

Uz potpisanu prijavu na interni oglas kandidati su dužni priložiti sljedeće dokumente (originali ili ovjerene kopije):

- 1. Uvjerenje o državljanstvu (ne starije od 6 mjeseci),*
- 2. Izvod iz matične knjige rođenih,*
- 2. diplomu o završenoj SSS-srednja stručna sprema (gimnazija, upravna, ekonomska ili druga srednja škola) ili položen ispit za daktilografa I-a ili I-b klase,*

4. Potvrdu o radnom stažu (najmanje 10 mjeseci radnog staža),
 5. Dokaz o poznavanju rada na računaru,
 6. Dokaz (uvjerenje ili potvrda) da je kandidat u radnom odnosu na poslovima namještenika u organu državne službe na bilo kojem nivou vlasti u Federaciji Bosne i Hercegovine, (u momentu prijavljivanja na Interni oglas)
 7. Ovjerenu izjavu kandidata da u posljednje dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini,
 8. Ovjerenu izjavu kandidata da nije obuhvaćen odredbom člana IX. stav 1. Ustava Bosne i Hercegovine.
- Vrhovni sud FBiH će imenovati komisiju koja će provesti testiranje iz oblasti daktilografije i informativni razgovor sa prijavljenim kandidatima, koji ispunjavaju uslove internog oglasa.**

Izabrani kandidati će biti dužni dostaviti ljekarsko uvjerenje o zdravstvenoj sposobnosti (ne starije od tri mjeseca) i uvjerenje o ne vođenju krivičnog postupka (ne starije od mjesec dana) prije preuzimanja dužnosti namještenika.

Napomena:

Shodno odredbama člana 21. stav 2. Zakona o namještenicima u organima državne službe u Federaciji Bosne i Hercegovine, pravo prijavljivanja na ovaj interni oglas imaju namještenici iz organa državne službe svih nivoa vlasti u Federaciji.

Potpisanu prijavu i sve tražene dokumente (original ili ovjerene kopije) treba dostaviti u roku od 10 dana od dana objavljivanja internog oglasa, putem pošte, preporučeno na adresu:

**VRHOVNI SUD
FEDERACIJE BOSNE I HERCEGOVINE
Ul. Valtera Perića broj 15
71000 Sarajevo
sa naznakom**

"Interni oglas za popunu radnog mjesta namještenika u Vrhovnom sudu Federacije Bosne i Hercegovine – sa naznakom oglašenog radnog mjesta"
Nepotpune i neblagovremene prijave neće se uzimati u razmatranje.

**Predsjednica
Vrhovnog suda Federacije BiH**

Vesna Stanković Čosović